

**საბაკალავრო პროგრამის დასახელება:** ინგლისური ფილოლოგია / English Philology

**მისანიჭებელი აკადემიური ხარისხი:** ჰუმანიტარულ მეცნიერებათა ბაკალავრი / Bachelor of Arts in English Philology

**სწავლების ენა:** ქართული

**პროგრამის კოორდინატორი:** პროფესორი მანანა რუსიეშვილი

**პროგრამის საკვალიფიკაციო დახასიათება:** საბაკალავრო პროგრამა ინგლისური ფილოლოგია მოიცავს ორ ძირითად მიმართულებას: ინგლისური ენას და ინგლისურ ლიტერატურას.

**პროგრამის მიზანი:** ბაკალავრიატში ინგლისური ფილოლოგიის ძირითადი სპეციალობის დაუფლების უპირველესი და განმსაზღვრელი მიზანია ინგლისური ენისა და ლიტერატურის პრაქტიკული და თეორიული ასპექტების სიღრმისეული შესწავლა, პრაქტიკული და მეცნიერული კომპეტენციების შეძენა, მათი გამოყენების მაღალი სტანდარტების დაუფლება. იგი მიზნად ისახავს დარგობრივი (ზოგადფილოლოგიური) კომპეტენციების გამომუშავებას და განვითარებას; ამასთან ერთად, იგი სტუდენტს უმუშავებს არჩეული დარგის სამეცნიერო საფუძვლებს, უვითარებს მას როგორც ძირითად მეთოდოლოგიურ კომპეტენციებს, ასევე პრაქტიკულ-პროფესიულ უნარ-ჩვევებს, რაც ბაკალავრს შემდგომში გაუადვილებს დასაქმებასა და საზოგადოების წარმატებულ წევრად ქცევას.

ინგლისური ფილოლოგიის საბაკალავრო პროგრამა, უპირველეს ყოვლისა, სტუდენტს უვითარებს ენობრივ კომპეტენციას. ბაკალავრიატის დასრულების ეტაპზე ბაკალავრის ცოდნა უნდა შეესაბამებოდეს ევროკომისიის მიერ შემუშავებული ენობრივი პოლიტიკის ე.წ. “საერთოევროპული რეფერენციული ჩარჩოს” ენობრივი კომპეტენციას B2-C1 დონეს (როგორც ცნობილია, საერთო ეროვნული გამოცდის დონე შეესაბამება A2-B1 დონეს). უცხო ენის დაუფლების პრაქტიკული უნარ-ჩვევები ვითარდება და იხვეწება ვერბალური კომუნიკაციის ოთხი უნარ-ჩვევის შესაბამისად. ესენია: კითხვა, წერა, ზეპირი მეტყველება, მოსმენა-აუდირება. ინგლისური ფილოლოგიის საბაკალავრო პროგრამა ასევე ითვალისწინებს თანამედროვე ფილოლოგიისა და ენათმეცნიერების უახლეს მეთოდებზე დამყარებული კვლევის უნარ-ჩვევების გამომუშავებასა და დახვეწას. ამას ემსახურება ინგლისური ენის თეორიისა და ინგლისური ლიტერატურის ასპექტები.

### **სწავლის შედეგები:**

საბაკალავრო პროგრამის დასრულების შემდეგ ბაკალავრის კვალიფიკაცია ენიჭება სტუდენტს, რომელსაც შეუძლია თავისი ცოდნისა და უნარების გამოყენება საკუთარი პროფესიული მიდგომის წარმოსაჩენად; აქვს თავისი სპეციალობისა და პროგრამით გათვალისწინებული მომიჯნავე დისციპლინების ფარგლებში კრიტიკული აზროვნებისა და ინტერპრეტირების უნარი; შეუძლია შესასწავლი საკითხის მართებულად დასმა, მასზე მსჯელობა და მოსაზრებების ჩამოყალიბება, ცოდნაზე დამყარებული დასკვნების გამოტანა; ხელეწიფება დაამყაროს ადეკვატური სოციალური ურთიერთობა როგორც სპეციალისტებთან, ასევე არასპეციალისტებთან.

გარდა ამისა, ინგლისური ფილოლოგიის ბაკალავრს გამომუშავებული აქვს სწავლის ისეთი უნარ-ჩვევები, რომლებიც აუცილებელია სწავლის შემდგომი გაგრძელებისთვის (როგორც მაგისტრატურაში, დოქტურანტურაში, ასევე დამოუკიდებლად სწავლის გაგრძელებისათვის).

ყოველივე ეს ხელს უწყობს ჩვენი კურსდამთავრებული ბაკალავრის როგორც წარმატებულ დასაქმებას, ასევე მის წარმატებულ ინტეგრაციას საზოგადოებაში.

საგანმანათლებლო პროგრამა შესაძლებლობას აძლევს სტუდენტს შეიძინოს ცოდნა, გამოიმუშავოს შესაბამისი უნარები და მოახდინოს მათი დემონსტრირება შემდეგი მიმართულებით:

- სტუდენტი ფლობს ზოგად ინფორმაციას სპეციალობის ყველა თეორიული საგნისა თუ

ენის პრაქტიკული ასპექტის, ინგლისური ლიტერატურის ყველა კურსის შესახებ, რომელსაც იგი შეისწავლის ბაკალავრიატის კონკრეტული სემესტრის განმავლობაში. ამით მას ზოგადი წარმოდგენა ექმნება იმ სასწავლო პროგრამაზე, რომელსაც უნივერსიტეტი სთავაზობს ინგლისური ფილოლოგიის მიმართულებაზე სწავლის დროს.

- სტუდენტი ფლობს ზოგად თეორიულ ინფორმაციას სამეტყველო სტილების და ინტონაციის პარამეტრების შესახებ, რაც მას ეხმარება ენათმეცნიერული მოვლენებისადმი შემოქმედებითი მიდგომის გამომუშავებაში.
- სტუდენტი ენას აღიქვამს არა როგორც მასში შემავალ ერთეულთა ქაოტურ გროვას, არამედ როგორც მკაცრ სისტემურ მექანიზმს, რომლის შემადგენელი ერთეულები ურთიერთდამოკიდებული და ურთიერთ განმსაზღვრელნი არიან.
- სტუდენტს აქვს საფუძვლიანი სისტემური ცოდნა ენისა და მეტყველების შესახებ; მეტყველების დროს ენობრივი კატეგორიების როლის შესახებ. იგი ფლობს გარკვეულ ცოდნას ლექსიკური ერთეულების სპეციფიკური თვისებების შესახებ, რომლებიც მჟღავნდება კონტექსტის ფარგლებში სიტყვის ფუნქციების სიღრმისეულ ანალიზში.
- სტუდენტი ფლობს თეორიულ ცოდნას სხვადასხვა დონის სტილისტური ხერხებისა და ექსპრესიული საშუალებების შესახებ, ეუფლება მხატვრული ტექსტის პროფესიულ ანალიზს. მას ასევე აქვს ცოდნა სტილისტური მოვლენების აღქმა-გაანალიზებისა ტექსტთან და დისკურსთან მიმართებაში.
- სტუდენტი ფლობს ინგლისური ენის ისტორიული განვითარების დიაქრონულ ჭრილში ხედვის უნარს, იცნობს ძველი და საშუალო ინგლისურის თავისებურებებს; აგრეთვე აქვს ცოდნა რადიკალური ცვლილებების განმაპირობებელი ლინგვისტური და ექსტრალინგვისტური ფაქტორების შესახებ.

### **დასაქმების სფეროები:**

ინგლისური ფილოლოგიის საბაკალავრო პროგრამის სასწავლო მიზნები, კომპეტენციები და დასაქმების შესაძლო სფეროები ორიენტირებულია შრომისა და დასაქმების ბაზრის მოთხოვნის შესაბამისად. კურსდამთავრებული შეიძლება დასაქმდეს ყველა იმ დაწესებულებაში, რომელიც ეყრდნობა ადამიანთა შორის ვერბალური დისკურსის მეშვეობით კომუნიკაციას. ყველა ამ შემთხვევაში კურსდამთავრებულს საქმე აქვს იმ ტიპის ზეპირ თუ წერით ტექსტებთან, რომელიც მან შეისწავლა ბაკალავრიატის საფეხურზე. კურსდამთავრებულს ასევე შეუძლია ინფორმაციის მოპოვება, შეგროვება, თარგმანი (როგორც ზეპირი, ისე წერითი სახით), მასზე მსჯელობა, ანალიზი და რეპრეზენტაცია.

ზემოთქმულიდან გამომდინარე, პროგრამის წარმატებით დამთავრების შემდეგ, მით უფრო თუ კურსდამთავრებულს გავლილი აქვს რეკომენდებული მაინორი პროგრამის რომელიმე კურსი (იხ. ქვემოთ), ინგლისური ფილოლოგიის კურსდამთავრებულმა შეიძლება იმუშაოს

- მთარგმნელობით ბიუროში ( მთარგმნელად, რედაქტორად);
- სამუზეუმო სფეროში (მეგზურად, გიდად);
- პრესაში, ტელევიზიაში (მოდერატორად, კორესპონდენტად, რედაქტორად);
- გამომცემლობაში ( რედაქტორად, მთარგმნელად);
- საელჩოში;
- ნებისმიერი ორგანიზაციის ინფორმაციის და საზოგადოებასთან ურთიერთობის განყოფილებაში ( მთარგმნელად, მენეჯერად).

### **სწავლის გაგრძელების საშუალება:**

ინგლისური ფილოლოგიის ბაკალავრს შეუძლია სწავლა გააგრძელოს შემდეგი პროფილის სამაგისტრო პროგრამებზე: ინგლისური ფილოლოგია, ბრიტანეთმცოდნეობა, ენა და ლექსიკოგრაფია; ჟურნალისტიკა, სახელმწიფო მენეჯმენტი, ბიზნესის სკოლა (ამას ხელს უწყობს ინგლისური ფილოლოგიის ბაკალავრიატის V-VII სემესტრებში ბიზნესის ენის ასპექტის საფუძვლიანი სწავლება) და ა. შ.

**ძირითადი სპეციალობის არჩევის ბოლო ვადა:** სწავლების I სემესტრი.

**პროგრამის მოცულობა:** რვა სემესტრი – 240 კრედიტი: 1) ძირითადი პროგრამა - 120 კრედიტი; 2) დამატებითი პროგრამა – 60 კრედიტი; 3) საფაკულტეტო საგნები – 50 კრედიტი; 4) თავისუფალი საგნები – 10 კრედიტი.

**შეფასების ზოგადი წესი:**

სტუდენტის ცოდნა ფასდება 100 ქულიანი სისტემით; მინიმალურ შეფასებას წარმოადგენს 51 ქულა; შეფასება ხორციელდება მინიმუმ ოთხი კომპონენტის მიხედვით. შეფასების კრიტერიუმები მოცემულია კონკრეტულ სილაბუსებში. გთავაზობთ ზოგად ჩარჩოს:

91 -100	ფრიადი, A
81-90	ძალიან კარგი, B
71-80	კარგი, C
61-70	დამაკმაყოფილებელი, D
51-60	საკმარისი, E
41-50	ვერ ჩააბარა, FX
0-40	ჩაიჭრა, F

**სამეცნიერო კვლევის მატერიალურ-ტექნიკური ბაზა:** თსუ ბიბლიოთეკა, ჰუმანიტარულ მეცნიერებათა ფაკულტეტის ბიბლიოთეკა, ინგლისური ფილოლოგიის დეპარტამენტის რესურს-ცენტრი (თსუ 5 კორპუსი), ასევე საქართველოს ინგლისური ენის მასწავლებელთა ასოციაციის რესურს-ცენტრი და თსუ ბრიტანული ბიბლიოთეკა (თსუ მე-2 კორპუსი).

**major/minor პროგრამების კომბინაციები.**

major

ინგლისური ენა

minor

ქართული ფილოლოგია

პედაგოგიკა

ტურიზმი

ჟურნალისტიკა

საერთაშორისო ურთიერთობები

ბიზნესის ადმინისტრირება

ფსიქოლოგია

პოლიტოლოგია

## დამატებითი (minor) პროგრამა

საბაკალავრო პროგრამის დასახელება: ინგლისური ფილოლოგია

სწავლების ენა: ქართული

პროგრამის კოორდინატორი: პროფესორი მანანა რუსიეშვილი

**პროგრამის საკვალიფიკაციო დახასიათება:** დამატებითი სპეციალობის ფარგლებში მოსმენილი საგნები აისახება დიპლომის დანართში, მაგრამ დამატებითი სპეციალობა სტუდენტს არ ანიჭებს კვალიფიკაციას და აკადემიურ ხარისხს.

**პროგრამის მიზანი:** პროგრამის მიზანია, დამატებითი კომპეტენციები მიანიჭოს ბაკალავრს ინგლისური ფილოლოგიის დარგში. პროგრამა სტუდენტს უვითარებს ენობრივ კომპეტენციას. მაინორ პროგრამის დასრულებისას სტუდენტის ცოდნა უნდა შეესაბამებოდეს ევროკომისიის მიერ შემუშავებული ენობრივი პოლიტიკის ე.წ. “საერთოევროპული რეფერენციული ჩარჩოს” ენობრივი კომპეტენციას B2 დონეს. უცხო ენის დაუფლების პრაქტიკული უნარ-ჩვევები ვითარდება და იხვეწება ვერბალური კომუნიკაციის ოთხი უნარ-ჩვევის შესაბამისად. ესენია: კითხვა, წერა, ზეპირი მეტყველება, მოსმენა-აუდირება.

**დასაქმების სფეროები:** პროგრამის დამთავრების შემდეგ, ინგლისური ფილოლოგიის მაინორ პროგრამის კურსდამთავრებულმა შეიძლება იმუშაოს

- მთარგმნელობით ბიუროში ( მთარგმნელად, რედაქტორად);
- სამუზეუმო სფეროში (მეგზურად, გიდად);
- პრესაში, ტელევიზიაში (მოდერატორად, კორესპონდენტად, რედაქტორად);
- გამომცემლობაში (რედაქტორად, მთარგმნელად);
- ნებისმიერი ორგანიზაციის ინფორმაციის და საზოგადოებასთან ურთიერთობის განყოფილებაში ( მთარგმნელად, მენეჯერად).

**სტუდენტის ცოდნის შეფასების სისტემა:** სტუდენტის ცოდნა ფასდება 100 ქულიანი სისტემით; მინიმალურ შეფასებას წარმოადგენს 51 ქულა; შეფასება ხორციელდება მინიმუმ ოთხი კომპონენტის მიხედვით. შეფასების კრიტერიუმები მოცემულია კონკრეტულ სილაბუსებში. გთავაზობთ ზოგად ჩარჩოს:

91 -100	ფრიადი, A
81-90	ძალიან კარგი, B
71-80	კარგი, C
61-70	დამაკმაყოფილებელი, D
51-60	საკმარისი, E
41-50	ვერ ჩააბარა, FX
0-40	ჩაიჭრა, F

**დამატებით სპეციალობაზე მიღების წინაპირობა:** ინგლისური ფილოლოგიის დამატებითი სპეციალობის ასაღებად სტუდენტს ძირითად სპეციალობად რომელიმე სხვა ენის პროგრამა არ უნდა ჰქონდეს არჩეული.

**პროგრამის მოცულობა:** დამატებითი სპეციალობის მოცულობა – 60 კრედიტი.

**დამატებითი სპეციალობის არჩევის ბოლო ვადა:** მესამე სემესტრი